



Na osnovu Uputstva o postupku i kriterijima za odobravanje i dodjelu (refundaciju) sredstava poticaja namijenjenih za subvencioniranje troškova jačanja konkurentnosti, na koje je Vlada Zeničko-dobojskog kantona dala saglasnost Zaključkom, broj: 02-14-1111/17 od 31.07.2017. godine, a u skladu sa Zakonom o sistemu državne pomoći („Službeni glasnik Bosne i Hercegovine“, broj: 10/12) i članom 70. Uredbe o namjeni, kriterijima i uslovima za dodjelu državne pomoći u Federaciji Bosne i Hercegovine („Službene novine Federacije Bosne i Hercegovine“, broj: 99/13), Ministarstvo za privredu, raspisuje

JAVNI POZIV

za prikupljanje zahtjeva za odobravanje i dodjelu (refundaciju) finansijskih sredstava namijenjenih subvencioniranju troškova jačanja konkurentnosti

1. Pozivaju se privredni subjekti male privrede (MSP - po definiciji) registrovani u Zeničko-dobojskom kantonu koji realiziraju izvoz proizvoda da podnesu Zahtjev za odobravanje i dodjelu (refundaciju) sredstava poticaja namijenjenih za subvencioniranje troškova izvoza.
U skladu sa Zakonom o poticanju male privrede (“Službene novine Zeničko-dobojskog kantona” broj: 7/16), malu privredu čine subjekti male privrede, fizička i pravna lica, koja trajno obavljaju zakonom dozvoljene djelatnosti radi ostvarivanja dohotka odnosno dobiti, registrovani kod nadležnog organa, bez obzira na oblik organizovanja i koji:
 - a) su samostalni u poslovanju,
 - b) zapošljavaju prosječno godišnje manje od 250 lica, i
 - c) ostvaruju godišnji prihod manji od 97.500.000,00 KM i/ili čiji je bilans stanja manji od 84.000.000,00 KM.
2. Pravo korištenja ovog poticaja imaju privredni subjekti iz područja prerađivačkih djelatnosti (A,B,C I D- Standardne klasifikacije djelatnosti (stare i nove) registrovani u Zeničko-dobojskom kantonu, koji dokažu realizaciju izvoza sa maksimalnim ukupnim prihodom za prethodnu godinu u iznosu do 7.000.000,00 KM i realiziranim izvozom za prethodnu godinu.
3. Jedan korisnik poticaja može koristiti najviše dvije vrste poticaja Ministarstva za privredu u tekućoj budžetskoj godini, ali pod uslovom da ukupno dobijeni iznos ne prelazi 50.000,00 KM.
4. Nakon uredno podnesenog Zahtjeva Vlada Kantona će subvencionirati (refundirati) dio troškova realiziranog izvoza tako što će se privrednomi subjektu odobriti subvencioniranje troškova od 3 % od fakturisanog iznosa izvoza u KM, u prethodnoj godini, ali ne više od 25.000,00 KM po godini.
5. Uz Zahtjev za odobravanje sredstva poticaja, privredni subjekt je dužan dostaviti sljedeće priloge:
 - Original ili ovjerenu kopiju Bilansa stanja i Bilansa uspjeha za prethodnu godinu;
 - Original ili ovjerenu kopiju spiska uposlenih izdatog od strane nadležnog organa, ne starije od 90 dana u odnosu na dan podnošenja zahtjeva;
 - Original ili ovjerenu kopiju Uvjerenja o izvršenom izvozu proizvoda sa BH porijeklom, izdatog od Uprave za indirektno oporezivanje Bosne i Hercegovine;

- Original ili ovjerenu kopiju Odobrenja za obavljanje proizvodne djelatnosti ili odgovarajući akt nadležnog inspekcijskog organa, ili Obavještenje o razvrstavanju privrednog subjekta prema djelatnosti - izdatog od Federalnog zavoda za statistiku;
 - Original ili ovjerenu kopiju uvjerenja o uredno izmirenim javnim prihodima - ne starije od 90 dana u odnosu na dan podnošenja zahtjeva;
 - Original ili ovjerenu kopiju uvjerenja o uredno izmirenim indirektnim porezima - ne starije od 90 dana u odnosu na dan podnošenja zahtjeva;
 - Original ili ovjerenu kopiju Uvjerenja o uredno izmirenim finansijskim obavezama prema Budžetu Zeničko-dobojskog kantona, ne starije od 90 dana u odnosu na dan podnošenja zahtjeva;
 - Uvjerenje komercijalne banke da je žiro račun izvoznika aktivan, ne starije od 90 dana u odnosu na dan podnošenja zahtjeva;
 - Potpisanu i ovjerenu Izjava o ranije primljenim državnim pomoćima DE MINIMIS, koje su podnosiocu zahtjeva dodjeljene u tekućoj i prethodne dvije fiskalne godine u skladu sa Zakonom o sistemu državne pomoći u B i H ("Službeni glasnik B i H", broj:10/12) i Uredbom o namjeni, kriterijima i uslovima za dodjelu državne pomoći Federacije B i H ("Službene novine Federacije B i H", broj: 99/13). (Obrazac Izjave može se preuzeti sa web stranice Vlade ZDK - [www: zdk.ba](http://www.zdk.ba)).
6. Komisija razmatra Zahtjeve investitora, te cijeni ispunjenost uslova i kriterija za odobravanje sredstava. Izvještaj, Komisija dostavlja ministru Ministarstva za privredu, koji će biti objavljen na web stranici Vlade Kantona
 7. Na osnovu Izvještaja Komisije, Ministarstvo za privredu će predložiti Vladi Kantona donošenje Odluke o odobravanju subvencioniranja troškova jačanja konkurentnosti.
 8. Vlada Kantona, može opozvati donesene odluke, zavisno od dinamike priliva budžetskih sredstava tokom godine, a prednost u odobravanju sredstva poticaja ima onaj korisnik koji u posljednje tri godine nije koristio poticajna sredstva od strane Ministarstva. Korisnici poticaja Ministarstva u prethodne tri godine eventualno će biti rangirani zavisno od visine dobijenih poticajnih sredstava.
 9. Na osnovu donesene Odluke o odobravanju subvencioniranja troškova jačanja konkurentnosti, Ministarstvo za privredu će Ministarstvu finansija podnijeti Nalog za isplatu, odnosno refundaciju troškova jačanja konkurentnosti.
 10. Zahtjeve za odobravanje i dodjelu finansijskih sredstava namijenjenih subvencioniranju jačanja konkurentnosti, privredni subjekti trebaju dostavljati na adresu:

ZENIČKO-DOBOJSKI KANTON

Ministarstvo za privredu

KOMISIJA ZA OCJENU ZAHTJEVA ZA ODOBRAVANJE I DODJELU POTICAJA
NAMIJENJENIH SUBVENCIONIRANJU TROŠKOVA JAČANJA KONKURENTNOSTI

Kučkovići br. 2

72 000 Zenica

11. Javni poziv ostaje otvoren 60 dana od dana objavljivanja u "Našoj riječi", odnosno u razmatranje će se uzeti samo zahtjevi koji budu zaprimljeni na Protokolu Kantona najkasnije do 09.10.2017.godine do 16 sati.

Sve dodatne informacije mogu se dobiti na telefone Ministarstva za privredu: 032/460-720 i 032/460-721 ili telefax: 032/460-722 ili E-mail: min.privreda@zdk.ba, te na web stranici: [www.zdk](http://www.zdk.ba).